

NICOLAI COPERNICI

REUOLVTIONVM

LIBER SECVNDVS.



CVM in præcedenti libro tres in summa tel-
luris motus exposuerimus, quibus pollici-
ti sumus apparentia syderum omnia de-
monstrare, id deinceps per partes exami-
nando singula & inquirēdo pro posse no-
stro faciemus. Incipiemus autem à notissi-
ma omnium diurni nocturniq̃ temporis
reuolutione, quam à Græcis *πυλῆμδρον* dixi-
mus appellari, quamq̃ globo terrestri maxime ac sine medio ap-
propriatam suscepimus, quoniã ab ipsa menses, anni & alia tem-
pora multis nominibus exurgūt, tanquam ab unitate numerus.
De dierum igitur & noctium inæqualitate, de ortu & occasu So-
lis, partium zodiaci & signorum, & id genus ipsam reuolutionē
consequentibus, pauca quædã dicemus: eo præsertim, q̃ multi
de his abunde satis scripserint, quæ tamen nostris astipulantur
& cōsentiunt. Nihilq̃ refert, si quod illi per quietam terram, &
mundi uertiginem demonstrant, hoc nos ex opposito suscipien-
tes ad eandem concurramus metam: quoniã in his quæ ad inui-
cem sunt, ita contingit, ut uicissim sibīpsis cōsentiãt. Nihil tamē
eorū quę necessaria erunt prætermitemus. Nemo uero miretur
si adhuc ortum & occasum Solis & stellarū, atq̃ his similia sim-
pliciter nominauerimus, sed nouerit nos consueto sermone loq̃,
qui possit recipi ab omnibus, semper tamen in mēte tenētēs, q̃d

Qui terra uehimur, nobis Sol Lunaq̃ transit,
Stellarumq̃ uices redeunt, iterumq̃ recedunt.

De circulis & eorum nominibus. Cap. I.



Circulum æquinoctialem diximus maximum paralle-
lorum globi terreni circa polos reuolutionis suæ co-
tidianæ descriptorum. Zodiacum uero per mediū
signorum